

# ՍԱՂՄՈՍ 15

## ԺԱՄԱՆԱԿԱԿԻՑ ԹԱՐԳՄԱՆՈՒԹՅՈՒՆՆԵՐԻ ՍՏՐՈՖ ԲԱԺԱՆՈՒՄՆԵՐ

NASB	NKJV	NRSV	TEV	NJB
Միտնի քաղաքացու նկարագրությունը <u>MT նախաբան</u> «Դավթի սաղմոսը»	Այն մարդկանց բնավորությունը, ովքեր կարող են բնակվել Տիրոջ հետ	Պատարագ տաճար մտնելու համար	Ինչ է Աստված պահանջում	Յահվեի հյուրը
15:1-5	15:1  15:2-5բ	15:1  15:2-5բ	15:1  15:2-5բ	15:1  15:2-3ա 15:3բ-4բ 15:4գ-5
	15:5գ	15:5գ	15:5գ	

### ԸՆԹԵՐՑԱՆՈՒԹՅԱՆ ԵՐՐՈՐԴ ՑԻԿԼ («Մուրբ Գիրքը ճիշտ կարդալու ուղեցույց») *ԸՍՏ ՊԱՐԲԵՐՈՒԹՅԱՆ ԲՆԱԳՐԻ ՀԵՂԻՆԱԿԻ ՆՊԱՏԱԿԻ ՀԵՏՔԵՐՈՎ*

Սա սերտողության ուղեցույց մեկնություն է, որը նշանակում է, որ դուք եք պատասխանատու Աստվածաշնչի ձեր մեկնության համար: Մեզնից յուրաքանչյուրը պետք է քայլի իր ունեցած լույսի ներքո: Մեկնաբանության մեջ հերթականությունը հետևյալ կերպ է՝ դուք, Աստվածաշունչը և Մուրբ Հոգին: Դուք չպետք է այն զիջեք որևէ մեկնաբանի:

Մեկ անգամ նստելով կարդացեք ամբողջ գլուխը: Գտեք թեմաները: Համեմատեք ձեր թեմաների բաժինները հինգ ժամանակակից թարգմանությունների հետ: Պարբերությունները ներշնչանքով չեն կատարված, սակայն դրանք կարևոր են բնագրի հեղինակի նպատակին հետևելու համար, որը հանդիսանում է մեկնաբանության սիրտը: Յուրաքանչյուր պարբերություն ունի միայն մեկ թեմա:

1. Առաջին պարբերություն
2. Երկրորդ պարբերություն
3. Երրորդ պարբերություն
4. Եվ այլն

### ԲԱՌԵՐԻ ԵՎ ԱՐՏԱՀԱՅՏՈՒԹՅՈՒՆՆԵՐԻ ՈՒՍՈՒՄՆԱՍԻՐՈՒԹՅՈՒՆ

**NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 15:1-5**

<sup>1</sup>ՏԵՐ, ո՛վ է մնալու Քո վրանում,  
 Ո՛վ է բնակվելու Քո սուրբ լեռան վրա:

<sup>2</sup>Նա, ով ուղղությամբ է քայլում ու արդարություն է գործում  
 Եվ իր սրտում ճշմարտությունն է ասում:

<sup>3</sup>Նա, ով լեզվով չի գրպարտում,  
 Ընկերոջը չարիք չի պատճառում  
 Եվ իր դրացու վրա նախատինք չի գցում,

<sup>4</sup>Ում առջև չարագործն անարգված է,  
 Իսկ աստվածավախներին պատիվ է տալիս,  
 Երդվում է ի վնաս իրեն ու հետ չի կանգնում.

**5Իր դրամը վաշխով չի տալիս  
Ու անմեղի դեմ կաշառք չի վերցնում:  
Ով այսպես է վարվում, հավիտյան չի սասանվի:**

**15:1 «ՏԵՐԸ»** Սա Աստծո ուխտի անունն է Երբայերեն «լինել» ԲԱՅԻՑ: Տե՛ս ՀԱՏՈՒԿ ԹԵՄԱ. ԱՍՏԾՈ ԱՆՈՒՆՆԵՐԸ:

❖ **«ով»** Համարը 1-ը հարց է, որը կարող է լինել տեքստային նշանաբան այնպիսի պատարագի համար, որը գործածվում է այն մարդկանց համար, ովքեր տոնական օրերին մտնում են տաճար:

❖ **«Քո վրանը... Քո սուրբ սարը»** Սրանք զուգահեռներ են, որը նշանակությունները նաև ԲԱՅԵՐ են («մնալ» և «բնակվել»): ՅԱՀՎԵԻ տաճարում մշտապես լինելու գաղափարը (տես՝ Սաղմ. 23:6բ) Աստծո հետ հավիտենական փոխհարաբերություն է, որը՝

1. տևում է այս կյանքից հետո էլ
2. ներառում է մտերմություն
3. ունի ամենօրյա նվիրում

Սաղմոս 27:4-6 արտահայտում է այս նույն միտքը ոչ այլաբանական իմաստով (այսինքն՝ «իմ կյանքի բոլոր օրերում», տես՝ Սաղմ. 23:6ա):

Նաև ուշադրություն դարձրեք, որ Սաղմ. 5:4բ-ում «չարը Քեզ մոտ /ՅԱՀՎԵԻ մոտ/ չի բնակվելու», սակայն հավատարիմ հետևորդը ցանկանում է ապրել Աստծո հետ (տես՝ Սաղմ. 61:4, 84:10):

**15:2-5** Այս համարները նկարագրում են (հավասարակշռված դրական և բացասական հատկանիշները) այնպիսի մարդու տեսակ, որը կրնակվի Աստծո հետ (տես՝ Սաղմ. 24:3-6):

1. ուղղությամբ է քայլում («անարատությամբ», BDB 1071, տես՝ Սաղմ. 18:23, 32, 119:80, Առակ. 28:18):
2. արդարություն է գործում
3. ճշմարտություն է խոսում (տես՝ Հատուկ Թեմա. Հավատայ, վստահել, հավատք և հավատարմություն ՀԿ-ում) իր սրտում
4. լեզվով չի զրպարտում
5. իր դրացուն չարիք չի պատճառում
6. իր ընկերոջ վրա նախատինք չի գցում
7. անարգում է չարագործին
8. պատվում է աստվածավախներին
9. երդվում է ճշմարտության համար (այսինքն՝ ուխտ, երդում, տես՝ Ղևտացիների 27)
10. ետ չի կանգնում (չի ուրանում երդումը իր շահի համար)
11. իր դրամը վաշխով շահույթով չի տալիս (տես՝ Ելից 22:25, Ղևտ. 25:36)
12. անմեղի դեմ կաշառք չի վերցնում (տես՝ Ելից 23:8, 2 Օր. 16:19)

Ուշադրություն դարձրե՛ք, որ բոլոր այս առանձնահատկությունները նկարագրում են, թե ինչպես է աստվածավախ մարդը ապրում և վերաբերվում ուրիշների հետ: Ճանաչել Աստծուն նշանակում է հարգել մարդկանց: Հավատարիմ հետևորդները պետք է ապրեն և սիրեն, որպեսզի աշխարհը հասնի Արարիչ Աստծո ճանաչողությանն ու ընդօրինակմանը:

**15:4բ «աստվածավախները»** Սա հավատարիմ հետևորդների պարբերաբար կրկնվող նկարագրությունն է (տես՝ Սաղմ. 25:12,14, 103:11,13, 118:4): Դրանք նկարագրվում են մի քանի կերպ՝

1. Ինչ են նրանք անում՝
  - ա. փառաբանում են, մեծարում և կանգնում ՅԱՀՎԵԻ երկյուղի մեջ, Սաղմ. 22:23
  - բ. քայլում են Նրա ճանապարհներում, Սաղմ. 128:1
2. Ինչ է Նա անում նրանց համար՝
  - ա. բացատրում է Իր ուխտը, Սաղմ. 25:14
  - բ. փրկությունը մոտեցնում է, Սաղմ. 85:9

գ. նրանց օգնությունն է ու վահանը, Սաղմ. 115:11

դ. օրհնում է նրանց, Սաղմ. 115:13, 128:1

**15:5գ** Սա ամփոփիչ հայտարարություն է: Նրանք, ովքեր ապրում են Աստծո և իրենց եղբայրների, քույրերի հետ ուխտի մեջ, երբեք չեն սասանվի (BDB 556, KB 555, *Niphal* ԱՆԿԱՏԱՐ, տես՝ Սաղմ. 17:5, 30:6, Առակ. 10:30, 12:3): TEV թարգմանում է այն որպես «միշտ ապահով կլինեն»: Եսայի 33:15 կարծես թե զուգահեռներ է անցկացնում այն մարդկանց փառավորման հետ, որոնք կարող են մոտենալ և բնակվել ՅԱՀՎԵԻ հետ: Եթե այդպես է, ապա Ես. 33:16-ը զուգահեռ է Սաղմ. 15:5գ-ին:

Փրկության նպատակը միայն անհատական թիրախավորումը չէ, այլ հասարակական: Աստծո հանդեպ սերը պետք է դառնա մեկը մյուսին հանդեպ տաժաժ սիրո հետևանք: Մենք պետք է առանձնացնենք արդարացումը արդարությունից: Ծննդոց 3-ի անկումը ազդեց ամբողջ մարդկության վրա (տես՝ Սաղմ. 14:1-3): Աստծո պատկերը (տես՝ Ծննդ. 1:26-27) մարդկության մեջ ապականվեց: Մարդկությունը դարձավ դեպի ներս՝ իր կողմը: Այժմ եսասիրությունն ու անկախությունն են հատկանշական նրանց մտքերին և գործողություններին: Աստծո հետ նոր հանդիպումը փոխում է այս ուղղությունը (տես՝ Երեմ. 31:31-34, Եզեկ. 36:25-27): Նոր անձը դարձյալ ունի կախվածության զգացում: Նա ապրում է Աստծո և ուրիշների համար:

❖ «երբեք» Տե՛ս Հատուկ Թեմա. Հավիտյան:

## ՔՆՆԱՐԿՄԱՆ ՀԱՐՑԵՐ

Սա ուղեցույց հանդիսացող սերտողության մեկնաբանություն է, որը նշանակում է, որ դուք եք պատասխանատու Աստվածաշնչի ձեր մեկնաբանության համար: Մեզնից յուրաքանչյուրը պետք է քայլի իր ունեցած լույսով: Դուք, Աստվածաշունչը և Սուրբ Հոգին եք մեկնաբանության մեջ առաջին տեղում: Դուք չպետք է այն զիջեք մեկնաբանին:

Քննարկման այս հարցերը կազմվել են ձեզ օգնելու, որպեսզի մտածեք գրքի այս բաժնի գլխավոր հարցերի շուրջ: Դրանք մտածելու տեղիք տվող հարցեր են և վերջնական չեն:

1. Նկարագրե՛ք այն անձին, որը կարող է մոտենալ ՅԱՀՎԵԻՆ տաճարի մեջ:
2. Ինչպե՞ս է «ապրելակերպ դարձած հավատքը» կապված փրկարար հավատքի հետ:
3. Թվարկե՛ք հավատարիմ հետևորդի հինգ դրական և բացասական հատկանիշները:
4. Արդյո՞ք այս սաղմոսը ակնարկում է, որ արդար անձը երբեք չի չարչարվելու: